



~~C 8288~~

Vld 5360



- 1
- 2, Epitaphia Cphi. Merzini ^a Kurozowski.
- 3, Dreover, Carph. Radziwil.
- 4, Bursius, Oratio funebris.
- 5, Jacobellus, Feralis pompa in funere A. Corvini.
- 6, Komtek, Andr. Lipe Lipski.
- 7, Jacobellus, idem q. no. 5.
- 8, Ch. de Chaloz Chalucky.
- 9, Comenius, Spiegel Gutten Obigkeit.

8

A D L E C T O R E M

AD ILLVSTREM, AC

MAGNIFICVM DOMINVM, D. PE-

TRVM DE VVIESIOLOVV VVIESIOLOVVSKY,

Marschalcum Curiaē S^r. R^r. M^{is}, Mⁱ. D^o. L^r.

&c. &c. Dominum singulari obsequi-
uantia colendum.

Carmen dedicatorium.



E vocat ad famæ studium tua gratia suavis,
Sollicitatque meum pectus honoris amor.

Ad te prima volant nostræ molimina Peithus:

Non erit in magnis vel voluisse pudor.

Deterere ingenij vires, & frangere nisus,


Materia gravitas, laus potuitque Ducis:

Nomine tuta tuo mea sed monumenta putavi

Defuncto Heroï quæ monumenta dabunt.

I L L. D. T.

addictissimus.



CHRISTOPHORVS DE CHALECZ CHALECKY.

AD LECTOREM.

EST quod te (lector beneuole) in vestibulo ipso amice precer, & admoneam: morigerum te ut praebeas, & equum in recens ac tenerum ingenij mei partum: scio quippe in eadem hac: quam premo, encomij materia plurimorum desudasse, & desudaturam industriam: attamen quemadmodum dura, probeque tersa corpora, et si non ob id manu correctetur ut tersiora fiant: nihilominus usu venit ut glabriora, atque politiora euadant: ita nomen immortale Zamoscij à plurimis scriptoribus celebratum, gymnicus hic meus labor (quanquam impar tanto oneri) relinquet erudito lectori, unde & exercitium meum non improbet, & unam mecum iucunda summi in republica nostra Polonia viri recordatione fruatur.

VALE.

PANEGYRICVS

ILLVSTRISSIMI, PE-

RENNISQVE MEMORIAE VIRI, D. D.

IOANNIS DE ZAMOSCIE ZAMOSCII,

Supremi Cancellarij Regni Poloniae, atque exer-

cituum Ducis generalis vitam, resque gestas

succinctè complectens.

NISI conclusum obseratumque animo tenerem, in aetatum decursu perueniri tandem ad aliquid extremum: ut quae sui ortus primordia habuere, ex lege & conditione mortalium desinant aliquando, & ex matura tempestiuitate occidant: utique esset quod cum caeteris migrationem è vita inuicti herois I. Zamoscij mœrore, luctu, lachrymisque nunquam non prosequeretur: esset quod patriam vicem dolerem, quae magna solationum parte viduata vix manum à pectore abstinet, cuius viuificus ille calor ex tanti viri obitu deferbuit. Sed quoniam non iisdem quibus hominum vita, rerum praecclare gestarum gloria finibus coercetur, plorare iubeo illos, qui superstitem defunctorum memoriam non colunt. Ego verò in commemoratione virtutum, quibus egregius ille heros immortale sibi decus comparauit maestitiam omnem deponam, & quibus potero verborum honoribus mortuo parenti patriam libens ac merito parentabo. Nequè id à me ita suscipitur, quasi multò splendidiorum, quibus

A ij

ca pietas' cordi, encomiastarum penuria sit: sed neq; intimos animi sensus potui cohibere, neque iniquum existimaui si in dicendo non ita exercitatus, concinentibus philomelis Musarum, ipse ut cunque lessum facerē: quando in musica dissonas aliquandiu voces ferimus, stridulamque harmoniam ad tempus patimur, quia extrema desitura scimus in concentum: sic perferentur fortasse mea de tanti nominis heroë ieiuna testimonia, quæ ex luculētis aliorū orationibus colorem atque robur consecutura sunt, non solum hac nostra, aut ætate nepotum, sed senescentibus lentè seculis ætas sapientior quaqua patet terrarum immensus orbis memoriam Zamoscij cum laude, & grata recordatione diuulgabit: nimirum ut aromata à quocunque terantur longè latèque odorem emittunt, & spargunt: sic virtutum ac meritorum Zamoscij iucundos simul ac fragrantés flores, cur non iuuenili manu attingam? quorum vel leui tactu, non modò Polonicus noster, sed hic quem nunc haurio Gallicus aër suauis odorum suffitu sit amænandus? neque verò flores inspiciamus tantum, quos marcescentes nulla visura est ætas, sed ad ipsas radices ex quibus tanta, tamque foelix vbertas prouenit, memoria cogitationèque perueniamus, ut præteriti respicientes spatium temporis famę ac nominis Zamoscij perennitatem ab ipsis retrò incunabulis contemplemur. Age pueritiæ fibras excutiamus: omnia bonæ spei plenissima fuere, quæque solita concipi à parentibus longo intervallo vota superarent: nempe diuinus puer eam ingenij non vulgari indolem, illud virtutis eximie speci-

men, illam sanctissimorum oppidò morum significationem edebat, ut quemadmodum Phidię signum olim simul & aspiceretur, & probaretur, certaque messis ex tam læta segete haud dubiè expectaretur, quæ ne falleret sapientissimus parens prouidit, qui in ipso ineuntis adolescentiæ vere sibi charissimū filiū ijs artibus imbuendū curauit, quæ sibi ad abdita, & arcana vtriusque cū togatę, tum sagatę sapientiæ, pulsis ignorantie nubeculis, faciles gradus sternerent. Tunc verò id ætatis videre pulcherrimū erat cum laborib⁹ indefessum certamen adolescentis, quanta ille contentione, quanto animi ardore ad altiora studia velut vno spiritu, cursimque properabat, quam plenis ille velis, quantaque vi remorū in eruditionis pelago nauigabat, quam inoffensum cursum tenebat: nullæ eum sirtes decurrentem remorabantur: nullum suo discrimine scopulum infamem fecit: nullis in vadis hæsit: sed mira ingenij dexteritate, cū in lubrico adolescentiæ plurima sanè superatu difficilia obijciantur, plurima adolescens superauit. Iamq; eò firmitatis processerat, ut in rerum luce gerendarum suas posset virtutes collocare, quæq; in scrinio diuini pectoris habitabant longè latèq; ad suum, & patrię decus diffundere: sed cū magnos quosque in republica viros ciuilem ex peregrinationibus externarumque gentium commercijs hausisse prudentiam didicisset: quanquā ne eo quidem adminiculo opus habebat, qui mentem iam pridem, & historiæ accurata lectione orbem terrarum esset emensus, peregrinationem tamen instituit, ut & ipse oculorum contuitu impressas animo

4

notiones confirmaret, neq; ad colligendam politicæ prudentiæ famam quidquam ex se desiderari potuisset. Ergo non sine lachrimis (vt fit) dimissus à suis in communem Franciæ larem, bonarumque litterarum parentem Lutetiam recta contendit: inque nobilissima Academia laudabili prorsus æmulatione popularis adolescentis, cuius eruditio exquisitissimis laudibus commendaretur à Francis, mirum in modum succensus, ac inflammatus, tantum in litteris operę nauauit, vt illum ipsum cuius gloriam æmularetur immiti acerbique fato (quod immodici labores properauere) dolenter extinctum longè superasse videretur. Italiam inde petijt excolendorum, perficiendorumque ingeniorum officinam, vbi velut diurnam sitim explere cupiens, ad eò in Philosophiæ & Iuris studia sedulus incubuit: vt rarus Italarum esset quem non hæc cogitatio subiret, ipsam sibi cum Astræa Sophiam in mente Zamoscii domicilium posuisse: qui in familiaribus doctissimorum quorumque ascitus consortium honorificentissimè à singulis colebatur: mitto aras ab illo Parauia in florētissima studijs ciuitate leges, quibus frænum injectum lasciuienti exultatique ferocius iuuenturi: mitto vigilantiam incredibilem, qua antelucanas artificum omnium operas præuertebat: mitto mansuetudinem, continentiam, cæterasque virtutes, quas in edito collocatas cum quisque suspiceret, non poterat tantis conspicuum iuuenem ornamentis non admirari vehementer, felicemque Polonorum gentem prædicare, in cuius gremium atque sinum tot, tantarumque virtutum fructus essent redundaturi: nec

5

verò suam felicitatem prædicatam ab Italis diu nostra gens ignorauit: namque vbi in patriam Zamoscius se recepit, & in Augusti regiã recepit, illicò ora oculosque omnium in se conuertit, atque in ipsis aulici ministerij rudimētis ita se probauit, vt sine inuidia auctoritatem, & sine offensione cuiusquam, gratiã apud cunctos sibi conciliaret: & quemadmodum Rex in illo ornando nihil vnquam prætermisit, quod aut in præmio virtutis esset positum, aut in splendore meritorum: ita Zamoscius tectam conditamque sincero pectore domini sui venerationem ac amorem iugiter circumferret. Sed præstare diu singularem in suum principem obseruantiam non potuit, sublato enim illo è viuis obseruantia desiderium successit, quemq; viuum suis officiis coluerat, ereptum ex oculis luctu, & pia recordatione venerari non desinebat: cum nihil Regis sui manibus iucundius esse sciret, quàm regni, cui cum laude præfuisset, tranquillus florensque status, totus in eam curam Zamoscius incubuit, vt res suæ gentis constitueret, & ex optimo successore patriæ suæ dignitatem vel tueretur, vel etiam augetet. Nec verò cuiquam obscurus erat eius in reipub. animus tot experimentis comprobatus: itaque omnium consensu orator in Galliam mittitur, Polonis Regem ex stirpe regia quæsiturus, benè sedit eius humeris tantæ molis negocium, quod ita vir prudentissimus accurauit, vt cum ex suæ probitatis, grauitatisque specimine Francos in amorem admirationemque Polonica gentis rapuisset, non modò quod legationis caput erat Regis germano Henrico Valefio (in quo

Fràcia omnis fiducię plurimum collocabat) vt Sceptũ
 Polonicum accepturus suos penates desereret persua-
 sit, sed etiam ita tenaci societate Francorum ac Polo-
 norum animos conglutinavit, vt tam longis terrarum
 gentiumque spatijs interjectis, in vnum adhuc con-
 sensum animorum vtraque gens conspiraret. Dimissus
 à Carolo Rege, perquam amanter ac beneuolè Hēri-
 cō in Poloniam, eunti longinqui itineris tædium ser-
 monum de repub. grauissimorum suauitate leuauit.
 Atque vbi Rex inaugurat⁹ reipub. habenas cepit mo-
 derari, Zamoscij opera vsus fuerat perquam vtiliter:
 & quidem eius consilijs obtemperante lætissima no-
 ui principatus initia fuere, eademque lætitia progres-
 sus continenter omnes comitatura videbatur: sed ò
 arcana consilia principum: vbi renunciata Henrico
 Regis fratris mors fuit: ad patrium quod sibi iure suc-
 cessionis debebatur, raptim, ac properè regnum re-
 meauit: & fuit tam subitus, tam inopinatus, tam cæ-
 cus discessus mærori proculdubio illis populis, qui ex
 sui Regis aduentu adhuc gestiebant: illis enim iucun-
 dissimum tempus non tam amænitate florum, non
 viriditate segetum, non tam ipsis Fauonijs, & luce
 serena lætum, atque ridens: quam exoptato noui Re-
 gis aduentu illustre, ac festiuum illuxerat, vtque adul-
 to iam vereiuuenescere natura ipsa videbatur: sic om-
 nia Henrici conspectu recreata, ac propè reformata
 videbantur: Sed vt fluuij quidam alicubi erumpunt,
 qui mox in terram reconditi feruntur ignotis alueis ad
 suum mare: ita cum princeps ille in nostratum ocu-
 los prædiisset, eosque felici spectaculo mirificè affe-
 cisset

cisset; nescio quomodo ad auitum regnum subito
 relapsus est, vtque apud fugiens desiderij aculeum in
 Polonorum pectoribus reliquit. Iacebat principe suo
 destituta Polonia, donec post iactatã diu cōmunis sa-
 lutis cimbã, ex alto propitium despectans numen ad
 reipub. nutantis confirmationem Stephano Bathoreo
 regni gubernacula concessit, vt sapienti moderami-
 ne fluctuantem nauim in tranquillitatis portum
 optimis (quibus ille erat præditus) artibus perduce-
 ret, fuit enim ille princeps magnus, à virtutum, re-
 rumque gestarum magnitudine, acrique ingenio, &
 in deligendis amicorum primarijs iudicio singulari:
 quid non sperandum Zamoscio tali principe fuit? Ec-
 ce intima illum beneuolentia Rex Stephanus com-
 plecti, in sinu gestare, in oculis, nihil absque illius cōsi-
 lio gerere, omnia fidei committere, fortitudini cre-
 dere: nec vnquam fides, nec vnquã fortitudo fefellit:
 indictum est tyrãno Moscorum Basilidi iustum bel-
 lum, quo industriæ tuæ Zamosci commissa non
 fortiter magis, quam celeriter confecisti: Regijs au-
 spicijs ducebas exercitus, manum cum hoste conse-
 rebas, victum castris exuebas, munitissima oppida
 expugnabas, pugnacissimæ genti terrorem inferebas,
 satis est, si dixerò, vincebas, triumphabas. Atque vbi
 lauream in tui Regis sinum deposuisti, animum illicò
 ad legum constitutionem, siue reformationem po-
 tius conuertisti: bellicis, & paccatis rebus gerendis
 pari semper industria: vtque foris hosti formidolo-
 sus, ita domi erga ciues moderatus: nimirum vir ille
 immortalitate dignus confusam & indistinctam pu-
 cisset

blici iuris rationem in certas classes scitè distinxit, quæque immensa ac propè infinita erant, rotunda breuitate conclusit, & detractis quæ superflue videbantur reliqua propemodum auctiora fecit. Atque tantorum profectò meritorum debita mercede carere hominem tam sibi & regno necessarium Regia maiestas non sustinuit, ast inter selectos eximium splendidæ affinitatis vinculo sibi coniunxit. O prælagam futuri mentem, ô diuinum tuum Stephane iudicium, qui hunc tibi virum non solum in necessitatibus reipub. cõplicem esse voluisti: verum etiam in affinium collegium cooptasti, quando Zamoscium tuum ipso illo pignore, quod & pietas tua habuit charissimum, & quod fortuna præcipuum, benignè ditasti: quæ tibi ex illius fide, atque obsequio commodè cessura erant sapienter præuidisti: maioremque ex illa affinitate sementem fecisses, si te viuere diutius fata voluissent: sed quoniam in hoc tam procelloso mari, & ad omnes tempestates exposito nauigantibus nullus est portus nisi mortis, exacto præfixi temporis spatio, emensoque vitæ breuis curriculo, immortalis gloriæ princeps publico damno extinctus est. O acerbum patriæ fatum, ô luctum bonorum omnium, ô perturbationem rerum publicarum, nisi Zamoscius habenas regni laxiores, & principum mutationibus propè dissolutas, donec Rex alius crearetur, suscepisset: quanta tunc opus fuit prudentia? quanta auctoritate? ut quæ collapsa fuerant erigerentur, nutantia confirmarentur, exanimata recrearentur, quando primi in reipub. viri, ceterique splendide nobilitatis or-

dines in varias sententias distrahebantur, atque diuellebantur, quando diuersi sensus, & discrepans in electione iudicium, ipsorum denique ducum vtriusque partis dissoni monitus, habitusque dissimiles. Nonnulli quippe per agros, perque vicos oberrantes aliū, atque alium regem proclamabant, quosque obuios habebant, eosdem proclamare cogebant: sileo cætera (quæ indignatio vetat loqui) crebras nostrorum hominum corruptelas, sileo distributa inter factiosos reipub. munia: sileo agrorum vicinorum diurnas nocturnasque depopulationes: sileo (quod in toto illo belligenere audacissimum extitit) clandestinas armatorum in suburbana præsidia impressiones, quas irrita oppugnatio nobilissimæ ciuitatis est subsecuta. Ast optimi quique sanioris consilij authorem, selectissimarumque copiarum ducem Zamoscium sequebatur, qui cum factiosos primum repressisset, ac retrò cedere compulisset: tandem consistere ausos tanta vi aggressus est, ut in ipso conflictu eò majorem inimicorum stragem ediderit, quo amplioribus subsidijs instructi constiterant: ita ad Byczynam vsque fusi, cæsi que inimicorum equites, patentes etiam fugientibus ad salutem, securitatemque castelli illius portas, corporum suorum mole clauserunt: dumque laudibus ab ijs qui rectè de reipub. sentiebant certatim Zamoscius efferebatur: ipse nequis astu euadere, nequis (ut fit) collectis viribus instaurare prælium potuisset, vigili cura providebat, quando hostem à frontè, & à tergo strenuo milite cinxit: & ad pacis æquissimas condiciones deductum, affe-

Etato dominio abdicare coëgit. Que cum gererentur
 Sereniss. Sigismundum felicitas Zamoscij alia ex par-
 te iuuabat: nondum tempestiuo mari, affuere tamen
 nauigantib. felices aure, & fluctus secundi, futuroque
 Regi non ipsa victoria tantum, sed & maria tempe-
 statesque obsecundabant: appulit in Poloniam Si-
 gismundus: quem vt Polonia vidit, statim mutare fa-
 ciem visa est, fuitque orbis reipub. ad illius aduentum
 mirè conuersus: sed vt conuerteretur Zamoscius effe-
 cerat, à quo sustentata negotiorum moles facilem Si-
 gismundo imponendę coronidis gloriam concinna-
 ret: concussa res nostra fuerat, ac penè dixerim con-
 tremuerat, non aliter quàm solet terra ventis, aut a-
 quis subter immisissis interuulsa sui soliditate nutare:
 statim igitur vt sceptrum quod totius gentis nomi-
 ne Zamoscius obtulit accepit Sigismundus, confirma-
 ta & corroborata fuit, ac seruata toties Zamoscij for-
 titudine ac prudentia Polonia, seruatori secundum
 diuinum numen suo gratias agebat, & lata omnia in
 eo principatu, qui tanti viri consilijs regeretur, spera-
 bat expectabatque: et euentus quidem spei expecta-
 tionique probè respondit. Quis enim tanta in com-
 mune bonū contulit? quanta heros Zamoscius. Num-
 quispiam alius Zamosci Valachiam (ambitiosi
 Transilvani vicario interfecto) adjecit regno præ-
 ter te? Num quispiam pieratem in patriam, lucu-
 lentius demonstrauit? quod eam à barbaricā ferita-
 te intaminatam conseruasti: illo præsertim, illo ipso
 tempore, quo duo dato fidei symbolo, immanes, &
 numerosi populi Tartari, & Turcæ conjunctis viri-

bus in fines Poloniæ, velut incēdia in proximas do-
 morum contignationes deuoluebantur, indè facilius
 in Hungariam penetraturi: hoc verò quanti erat di-
 scriminis nemo poterat cogitare, nemo conijcere
 meliùs, nisi tu ipse strenue dux Zamosci, qui patriæ
 vniuersæ salutem, qua nihil priùs, nihil antiquiùs ha-
 buisti, ad vltimum vite spiritum tuebare: mox ergo
 exorato numine ad eas te artes contulisti, in quibus
 plurimum confidebas: hic ego multa consultò præ-
 tereo, dum cupidus ad singularem illam victoriã,
 qua vniuersæ reipub. salus vindicata, festino: stupen-
 da quippe res est subsecuta, quando post detrunca-
 tum ducem Tartarorum principem admirabilis illa,
 & nunquam antehac visa conglobatarum acierum,
 & trepidantium fato suo cohortium confusio spe-
 ctaculo nostris sese exhibuit: ô triumphum dignum
 tali bello, qui omnium oculis subijci meritò debe-
 ret: cuius enim potentia solertiaque fuit hostes ter-
 rore & formidine complere, ordines conturbare, eius-
 dem deditos ad imperia, voluntatemque suam suis
 armis alligare, atque etiam vincere vt barbaros ferri il-
 lius quod contra Polonos acuerant, diuissimè penite-
 ret. Itane omnium omnis generis armorum ministe-
 ria ad diuersos effectus arbitrio tuo magne Zamosci
 seruiere? tibi vincebant gladij, tibi seruabant, te pu-
 gnante feriebant, te ignoscente tuebantur: Perfeci-
 sti pulsus à limitibus regni monstris, vt post timorem
 regnaret apud tuos securitas, post periculorum æstus
 omnes velut in vmbra culum sub dextere tuæ præsi-
 dium confugerent, confecisti quippe inuicte heros

bellum illud, quod cunctis provincijs impendere videbatur, tamque latè vagari, & flagrare poterat, quàm latè Polonia nostra, & Hungaria patet: neque enim si metu tui lues illa inimicorum solis limitibus intabuisset: idcirco nescimus quanto se alias furore iactasset, si fiduciam peruagandi qua patebat habuisset. Num quisquam Moldauix principi terribilior? quando te fortuna triumphis oneratum domum subsequuta reduxit, impurum verò, & ambitiosum hostem pudor & penitentia in desperationem adigit. Iam cunctis è quacumque cæli plaga emergentibus inimicis alacritatis tuæ terrore coercitis, deerat materia vincendi: nisi nouus hostis Sudermanus fuisset exortus, perque vim, ac iniuriam in Liuoniam irrupisset. & ex eo calamitatem in res nostras importasset: fueratque ea regio vastata prorsus, nisi tuæ dexteritatis festinum auxilium adfuisset, & hostis ferociam manus armata fregisset: non te affecto corpore perpes labor subeundus, ab illa expeditione: non cruda adhuc hyems, non iter gelu intractabile, imensum spatium, niuibus infestum, retardauit: nondum pectore tuo ardor martius efferbuerat, quem secuti fortissimi quique militum, dignos se tuo ductu imperioque testati, sic viritum laborauerunt, quasi summa res singulorum manu teneretur: sic porrò peruectus es in Liuoniam, ut quia te non comitata, sed præstolata potius victoria videretur: nemo dubitaret portum tibi victoriæ spontè paruuisse: quando hostis adfectati dominij supplicia pendit, atque ita cecidit, ut fractæ semel potentix suæ vires, egrè instaurare potuerit. Illud verò cuius mi-

raculi est? neminem direptorum miserè bonorum aduentu tuo sensisse dispendium: quando à te singulis reddita priuatim patrimonia, quos illa monstrosa labes, & peregrina diritas extorres domo fecerat: quando arcium munitissimarum complures, & propemodum inaccessas, citra ullam moram, tuta salute tuorum, & patriæ communi velut proprium recuperasti, & sub veteris domini tutela collocasti. Talia semper heros magnanime in republica gessisti tanta vi, tantoque successu, ut nunquam virtus tua in adeundis, perficiendisque laboribus intremuerit: nunquam rerum vsu longo confirmata prudentia hæserit: nunquam cælitus concessa felicitas claudicarit. Cæterum quoniam video magnam mee partem orationis in rerum à Zamoscio gestarum preconio fuisse versatam, reliquam in admirandis virtutum exemplis consumpsisse non pigebit: imitari quippe lubet pictores qui longa intentione hebetatos oculos ad specula quædam, & viros colligunt: sic emenso clarorum illustris viri factorum campo, ad virentiam virtutum prata conuertam. Equidem siue tuam, ô strenue Zamosci in Deum pietatem intuemur, siue in patriam affectum, multi in imitationem rapimur, plures ex admiratione stuporem concipimus. Quis enim religionis ardor tam feruens? tam purus numinis cultus? quem non & animo tuo inclusum tota vita circumferres, & si quando vsus esset, externo cultu prætereferres? Nulla tibi rerum gerendarum exordia sine cælestis auxiliij inuocatione: nulla bellorum initia non eodem illi numini, in quod desinebant,

commissa fuere: nihil inde in vniuerso Poloniae re-
 gno tam obscurum esse potuit, quod non sagacitatis
 tuae radijs illustrares: nihil tam triste, aut durum ob-
 seruabatur, quod tu sapientia singulari non emolles,
 aut perfringeres: nihil tam infelix, tam prodigiosum
 quacunq; terrarum parte emerferat, quod non ar-
 matus, tum ijs praesidijs, quae de caelo ministrari ti-
 bi experiebant: tum illis, quae humanae praebent vi-
 res, auerteres, ac propulsares. Atque haec quidem om-
 nia, ut non humanae virium esse censuisti: ita te
 aeterno illi numini eum exhibuisti, quem illud omni
 gratia, ac felicitate toto vitae decursu cumularet. Num
 illa quoque pietatis monumenta sera posteritas con-
 ticescet? & si minus non eadem qua nos, certe ma-
 iore celebritate tantum virum esse prosecutura? quan-
 do plurima ab eo fundata templa, plurima exercendae
 pietatis, ac religionis loca offendet? quae si loqui po-
 tuissent, quid aliud de te aptius, aut magnificentius
 effarentur? quam: fuisse virum, cui numinis cultus
 in animo penitus insedit: cuius cogitatio non prius
 ad salutem, communeque bonum conuerteretur,
 quam pietatis pensum exoluisset: cui & curae conden-
 darum arcium, ciuitatum, aut quarumuis tutandae
 publicae salutis causa aggestarum molium, & earum
 aedium quae diuina laude perenniter personarent. O
 virum cui patria communis ob amplissima, & nun-
 quam interitura in se merita statuas, columnas, colof-
 fos, caeteraque id genus monumenta erigat. O virum
 cuius res gestas non tantum patricij, plebei que admi-
 rati sunt: verum etiam ipsi reges comprobarunt: eo
 praesertim

praesertim tempore, quo arduum de te recte ac sine-
 re consulendi, acriterque pro salute communi, ac
 reipublicae conseruatione decertandi exemplum reli-
 quisti: cui non magis de populo, quam de principu nu-
 mero possit conformari. An aliud a te, quam senatus re-
 uerentiam, consilia in longum porrecta exoptatum
 finem, bella vero casus miros minitanti triumphum,
 obtinere? Num etiam ea postrema laus est, culturae
 ingeniorum polonicorum tanto opere fuisse studio-
 sum, ut nihil praetermiseris, quod ad litterarum exer-
 titia pertineret: quando sapientiae doctores in urbem
 tuam clarissimam, praemiorum splendore inuitasti:
 quando ut Academia ad vberem ingeniorum prouen-
 tum erigeretur, curasti: noueras quippe in eruditio-
 ne magnum momentum ad rerumpub. felicitatem
 esse: noueras in eruditione prudentem inuenire unde
 sapientior fiat: bellatorem reperire, unde animi vir-
 tute roboretur: principem accipere, quemadmodum
 populos sub aequalitate componat. Quid dicam? quod
 ad animi ornamenta, corporis quoque accedebant,
 ut non solum splendorem regni Polonici Zamoscius
 fortitudine, ac sapientia, reliquisque virtutibus: sed
 decore etiam corporis sui, & dignitate potuerit or-
 nare: cuius vel ipsa forma venerabilis, tam longè la-
 teque conspicua commendabat imperium, ut plane
 in ambiguo fuerit, vtrum se Zamoscius suorum men-
 tibus magis, an oculis insinuaret: quid faciles ad eum
 aditus? quid aures patientissimas? quid condita hu-
 manitate responsa? quid vultus ipsos ad grauitatem
 hilaritate permixtam compositos commemorare? quis

exequi pro dignitate possit? iucunda tui memoria ô Zamosci facit, quod sermoni de te meo vix possim colophonem imponere: Quomodo te admirari: quomodo tuas laudes prædicare desinam? quando res gerere admiratione, & prædicatione dignissimas nunquam desieris: cuius neque otium negotio vacauit: neque fructus, negotium expers fuit: non enim te amæna, aut dicata quieti rura, non dispositi ad temporum vices secessus complectebantur: sed siue tu in agris, siue in oppidis tempus traducebas, rem, & famam pariter augebas: iam si cætera percenferi oratione fas esset extrema sermonis in exordia relaberentur: neque sibi exitum mea reperiret oratio. Reliquum est igitur (quod mihi solum est integrum) vt quas ego Zamoscij virtutes atque dotes singulas, pro pietate in ipsum, venerabar: nunc velut in vnum conglomeratas: & tâquam in choro implexas manibus religiosus cultor, ex ipsarum discedens templo salutem: saluete ô beati manes immortalis viri illius, cui sælix patria vel ob id ipsum, quòd ciue tali diutissimè stetisset, nec non florisset: cui domus clara splendoremque à rebus gestis præcipuum fanerata: cui forma egregia planè imperio digna: cui valetudo integra, & vegeta senectus: cui militarium, & vrbanoꝝ negotioꝝ administratio contigisset? Ceterum ô inuidete Zamosci quanquam te patriæ tuæ fata eripuerunt: certè non eripuerunt virtutis tuæ opera, quæ oculis serè posteritatis non solum erudita oratorum lingua: verum etiam artificum quorumque perita manus exhibebit, representabitque: cum te vel inuia, & situ squalentia

loca superantem: vel flumina objecta tranantem: vel hostiles exercitus triumphali ferro conscindentem, pictorum imitatio assequetur: Sapiencia sola tua quo cælo? quo pigmento? quo ære? auroue ducetur? qua dominis, ac Regibus tuis imprimis innotuisti, mox publicè acceptus probatusque, custos factus es salutis: porrò vniuersam terram celebritate præuagatus es, ita vt virtuti tuæ, ipsa fama nullum illustrius futurum sit præmium: quando (vt cum Poëta loquar)

-----Tua sectus orbis.

Nomina ducet.

Eritque Oriens, iuxta & Occidens Zamoscio incomparabili heroï duraturum cum seculis, non ex ære, aut marmore modò, sed ex famæ celebritate, ac perennitate, laude insigne monumentum.

PARISIIS,

Anno Domini clō. lō. cvi.

